



**L**Vpoldus de Bebenburg optima indole præditus, literarum desiderio Bononiam profectus est, atq; ibidem Ioannem Andreæ iureconsultissimum uirum profitentem magna diligentia audiuit. Vnde insignem eruditionem in utroq; iure, atq; humanioribus literis, prout tempora illa barbarie referta ferebant, adeptus est. Itaq; ex Italia in patriam reuersus Episcopus Bambergensis electus fuit. Hanc functionem magna pietate & prudentia administrabat, Ludouico Bauaro Cæsare existente, circa annum Domini 1340. Edidit ibidem non spernendæ lectionis opuscula, quibus nomen suum ad notitiam posteritatis cum ingenti gloria transmisit.

ex ijs extat insigne opus de zelo Christianæ religionis ueterum principum Germanorum, item liber de iuribus Romani Imperij. Tandem uiam uniuersæ carnis ingressus est. Trit.